

AWIG-AWIG
DESA ADAT BUGBUGAN



DESA SENGANAN
KECAMATAN PENEBEL
KAB. DATI. II TABANAN

PARTICULARS PERTAINING TO THE

MINORIA

Table I

ARAB LAR PALANDEAN

Table I

- Page 1. Arab Lar Palanlian.
Page 2. Arab Lar.
Page 3. Arab Lar, Arab Lar, Arab Lar.
Page 4. Arab Lar Arab Lar.

Table II

MINORIA

Table I

- Page 5. Arab Lar.
Page 6. Arab Lar Arab Lar.
Page 7. Arab - Arab.

Table I

MINORIA

- Page 8. Arab Lar Arab Lar.
Page 9. Arab Lar Arab Lar.
Page 10. Arab Lar, Arab Lar Arab Lar, Arab Lar Arab Lar.
Page 11. Arab Lar Arab Lar Arab Lar.
Page 12. Arab Lar Arab Lar.
Page 13. Arab Lar Arab Lar Arab Lar.
Page 14. Arab Lar Arab Lar.

Table I

MINORIA

- Page 15. Arab Lar Arab Lar.
Page 16. Arab Lar Arab Lar.
Page 17. Arab Lar Arab Lar.

Table I

MINORIA

- Page 18. Arab Lar Arab Lar.

Table I

MINORIA (Table I)

- Page 19. Arab Lar Arab Lar Arab Lar Arab Lar.

Palet 7
K A R A N G

- Pawos 20. Indik Karang Paumahan.
Pawos 21. Tata Nyulurang Karang.
Pawos 22. Indik Ngaletihin Karang.
Pawos 23. Indik Padem Ring Pekarangan Anak Lian.

Palet 8
TETANDURAN RING PAABLANAN

- Pawos 24. Indik Wates Tetanduran.

Palet 9
DUSTA MIWAH BAYA

- Pawos 25. Indik Dusta.
Pawos 26. Indik Baya.
Pawos 27. Tatatitenan Nyanggra.

Palet 10
PENYANGGRAN DESA ADAT

- Pawos 28. Tatatitenan Nyanggra.

Palet 11
INDIK WICARA

- Pawos 29. Sulur Wicara.
Pawos 30. Indik Pamutus Wicara.

Palet 12
WEWALUNGAN

- Pawos 31. Nyulurang Wewalungan.
Pawos 32. Indik Wewalungan Ngeleb, Palelungguhan.

SARGA III
SUKERTA TATA AGAMA

- Palet 13
Pawos 33. Pemangku, Sрати Lan Sutri.
Pawos 34. Swadharman Pemangku, Penyade, Sрати Lan Sutri.

Palet 14
GENAH SUCI

- Pawos 35. Kahyangan.

Palet 15
INDIK KASUCIAN/SUKERTA DESA ADAT

- Pawos 36. Indik Mitenin Krama.
Pawos 37. Widhi Widhana.
Pawos 38. Indik Upakara Bebantenan.

Palet 16.

INDIK TUNON/SETRA MIWAH ATIWA-TIWA

- Pawos 39. Indik Mendem Sawa.
Pawos 40. Indik Nyulurang Mendem Sawa.
Pawos 41. Indik Ngentasang Sawa.
Pawos 42. Dewasa Atiwa-tiwa.
Pawos 43. Indik Upakara Lan Nyanggra Atiwa-tiwa.

SARGA IV

SUKERTA TATA PAWONGAN

Palet 17

INDIK KAWIKON/GURU LOKA

- Pawos 44. Indik Mapodgala.
Pawos 45. Indik Nitenin Sang Sampun Mapodgala.
Pawos 46. Indik Nitenin Pemargin Yadnya.
Pawos 47. Indik Muput Yadnya.

Palet 18.

PAWARANGAN MIWAH PAKULAWARGAN

- Pawos 48. Pawarangan.
Pawos 49. Ngerorod/Ngerangkat.
Pawos 50. Netes.
Pawos 51. Sah alaki rabi.

Palet 19.

INDIK SULUR TREPTINING RAWONGAN

- Pawos 52. Ngembasang Rare. *Mulawakan*
Pawos 53. Kalabhubungan.
Pawos 54. Pamerasan Sentana.
Pawos 55. Ngerobang.
Pawos 56. Tanyu.

SARGA V

PAMIDANDA

- Pawos 57. Indik Niwakang Pamidanda.
Pawos 58. Rerampagan.
Pawos 59. Sengker Rerampagan.
Pawos 60. Wenang Tan Wenang Kerampag.

SARGA VI

TATA SUKERTA AWIG-AWIG

Palet 20

PANECEP AWIG-AWIG

- Pawos 61. Pararem Miwah Pasuara.

Palet 21

INDIK PAMUPUT

- Pawos 62. Muputang Awig-Awig.

MURDHA WAKYA (SARACITA)

Melarapan saking panghyangning kalih pasuwecan Ida Sang Hyang Parama Kawi asung kerta nugraha ngawentenang kauripan kalihgenah pesayuban ring Desa Pakraman rawuhing sakula warga pawongannya.

Maka don kaswastanin bhuana kalih krama Desa Adat Bugbugan ngastuti ngerajegang tata suçila, tata krama sane mawit saking sinar kasucian Agama Hindu mapauger Pancasila, Undang-Undang Dasar 1945 sane dados panyejer Negara Republik Indonesia maka wit uger-uger adat istiadat sajeroning Negara Republik Indonesia rawuhing Desa Pakraman, nganutin Tri Hita Karana, mapegamel ring daging unteng-unteng Tri Rna, Tri Semaya, Catur Dresta, Catur Warga manut Desa Kala Patra, maka dasar antuk pasikian manah midabdab nemesang tulung sinulung, pasilih asih, gumanti sidha ngemangguhang suker ta trepti rahayu, ring krama miwah pawongannya sowang-sowang.

Titiang sareng sinamian krama Desa Adat Bugbugan. midabdab ngeraremin awig-awig sane kemanggehang ring wawengkon krama Desa Adat Bugbugan sekadi kaunggahang ring sarga, palet pawos ring sor puniki.

DASAR LAN TETUJON

Desa Adat Bugbugan ngemanggehang dasar :

1. Dasar Negara Republik Indonesia inggih punika Pancasila lan Undang - Undang Dasar 1945.
2. Tri Hita Karana manut tetujon tatwaning Bhuana Agung.

Luwir tetujon Desa Adat Bugbugan :

1. Mikukuh miwah ngerajegang Sanghyang Agama, melarapan nginggilang tata prawerti meagama Hindu.
2. Mikukuh miwah ngerajegang sukertaning Desa saha pawongan sami, melarapan nginggilang pasuka dukaan.
3. Ngerajegang tata sinangaskaraning Desa saha pawongan, pamekas sane ngiket pakulawargan.
4. Ngerajegang sukertaning pawongan seraja druwen Desa miwah druwening pawongan sami.
5. Matitising ring paras paros, salunglung sabayantaka krama sajebag Desa Adat Bugbugan.

UTSAHA / LAKSANA

Mangda sidha molih kadi tetujon ring ajeng, Desa Adat Bugbugan ngut-sahayang Dharma Laksana Desa Adat luwire :

1. Nyanggra miwah midabdab Desa Pakraman sajeroning madharma, maprawerti, melarapan antuk nginggilang Catur Warga, Panca Yadnya.

2. Ngalimbakang Dharma bakti pawongan sami sajeroning Desa Adat majeng ring Guru Wisesa.

SARGA I

ARAN LAN PALEMAHAN

Palet 1.

Pawos 1. Aran lan palemahan.

1. Desa Adat puniki mewasta : "Desa Adat Bugbugan"
2. Jebar kakuwub wevidangannya mawates :
 - a. sisi wetan : Tukad yeh Panahan
 - b. sisi kidul : Desa Adat Senganan Kanginan.
 - c. sisi kulon : Desa Adat Soka
 - d. sisi lor : Wana Parwata

Pawos 2. Kakuwub :

Kakuwub wevidangan Desa Adat manut dresta luwire :

- a. Papupulan karang paumahan manggeh palemahan Desa Pakraman.
- b. Kahyangan, Setra, Carik miwah Tegalan ring kakuwub Desa Pakraman manggeh telajakan Desa Adat.

Pawos 3. Wawengkon, Wawidangan, lan taterapan.

Wawengkon :

1. Wawengkon Palemahan Desa Adat Bugbugan Puniki wantah a Banjar, inggih punika Banjar Bugbugan.
2. Banjar Bugbugan kaepah dados 3 tempekan inggih punika :
 - a. Tempekan Desa (
 - b. Tempekan Puseh
 - c. Tempekan Dalem.
3. Awig-Awig kalih pararem Desa Adat puniki taler kalingga tanganin antuk Bendesa Adat maka pamikukuh kandugi dados lumaksana.
4. Desa Adat puniki patut madruwe piranti-piranti panekasnya Bale Desa - miwah Kul-Kul, taler panyiwian-panyiwian tiyosan ring kahyangan tiga.

Pawos 4. Banjar Lan Tempekan.

1. Banjar Adat lan tempekan tan wenang ngardi awig-awig miwah pararem.
2. Tempekan kemawon mawak pahan Banjar Adat sinanggeh tangan sukuning Desa Adat.

SARGA II

SUKERTA TATA PAKRAMAN

Palet 2.

Pawos 5. Frajuru

1. Desa Adat kaenter olih Bendesa Adat.
2. Banjar Adat kaenter olih kelihan Banjar

3. Bendesa Adat miwah kelihan Banjar keadegang melarapan antuk pamilihan --
olih paruman-parumannya sowang-sowang.
4. Desa Adat kaenterang olih Bendesa Adat saha kasanggara olih prajuru --
prajuru :
 - a. Panyarikan maka juru surat.
 - b. Patengen maka pangemong druwening Desa Adat.
 - c. Juru arah maka gumencang.
5. Banjar Adat kaenter olih prajuru Banjar Adat tur panyanggrane kekardi --
manut kabuwatan.
6. Prajuru-prajuru inucap ring ajeng keadegang miwah kawusang melarapan pa-
ruman Desa Adat.

Pawos 6. Swa Dharman Prajuru :

1. Swadharman Bendesa Adat Luwire :
 - a. Ngenterang paruman-paruman Desa Adat.
 - b. Ngenterang pangelaksanaan daging awig-awig miwah pamutus paruman.
 - c. Ngeraksa miwah midabdabin tataning ngangge seraja berana druwen Desa.
 - d. Ngenterang saha nuntun krama, ngupadi kasukertan sekala niskala.
 - e. Nuntun saha nyaksinin tata cara miwah sangaskaraning kauripanne mabu-
at, sane ngilitang sulur pakulawargan.
 - f. Nuntun saha ngenterang i warga Desa ngupadi nginggilang Sanghyang --
Agama kasucian palemahan miwah tata caraning setra.
 - g. Mawosin miwah niwakang pamutus marep ring wicara warga Desa.
 - h. Ngawakilin Desa matemuan bawos ring sapasira ugi.
 - i. Lan sane sewosan sane wenten paiketannya ring Desa Adat.
2. Tata cara ngelaksanayang Swadharmane ring ajeng tan maren patut anut --
ring awig-awig, pararem, dresta miwah pamutus paruman Desa.
3. Pangelaksananne ring ajeng patut kasiarang ring Desa kapungkur.
4. Bendesa Adat sumakuta natak pamutus paruman Desa ngeninin Swadharman --
sowang-sowang.

Pawos 7. Olih - Olih :

- ① Olih-olih prajurune inucap kasulurang manut pararem.
- ② Laluputan pakenan-kenan kasulurang manut pararem.

Palet 3.

TATA KRAMA

Pawos 8. Krama Desa Adat :

1. Sehanan Sang Jenek mapaumahan ring Desa Adat Bugbugan sinanggeh wong --
Desa Adat.
2. Wong Desa Adat Bugbugan inucap manut linggihnya wenten kalih soroh lu-
wire :

- a. Kulawarga sane maagama Hindu tur ngeranjing nyungkemin makrama Desa Sinaggeh warga Desa Adat Bugbugan.
- b. Sejaba punika sinaggeh tamu.
- c. Kulawarga sane magenah ring sajeroning Desa adat Bugbugan utawi magenah ring dura Desa tur kari nyungkemin mekrama ring Desa Adat Bugbugan.

Pawos 9. Dasar Pakraman.

1. Sahanan Warga Desa saha sampun merabian patut ngawitin makrama Desa Adat.
2. Satunggil krama manut karendahan kaluwargannya patut keni ayah-ayah sina lih tunggil :
 - a. Ayah marep.
 - b. Ayah balu.Sasengker ngawit tedun ngayah, yan sampun marabian 2 saçih saking wusan-maprayascita alit (makala-kalaan).
3. Pengayah marep wenang nyade, yan sampun pastika antuk pararem luwire :
 - a. Sakit tahunan tan tinamban.
 - b. Yusane sampun lingsir.
4. Kulawarga sane me agama Hindu mawit saking dura Desa prade pacang jenek mapumahan ring wewidangan Desa Adat Bugbugan, wenang ngeranjing Desa Adat.
5. Yan tan jenek mapumahan kadi ring ajeng, wenang dados panumpang.
6. Sang ayat ngeranjing makrama Desa utawi numpang genah paumahan patut atur upaksa ring Bendesa Adat.
7. Sulus kalih nitenin tata cara ring ajeng, kasulurang manut pararem.

Pawos 10. Indik Ayah, Urunan lan Papeson Krama Desa Adat.

1. Krama Desa sane munggah ring ajeng, patut tedun ngayah keni urunan, lan papeson sawungkul.
2. Ayahan balu luwire :
 - a. Balu lanang/Istri sane pianaknya kantun alit-alit ayah-ayah, peson - peson kaluputang.
 - b. Balu lanang/istri sane pianaknya deha/teruna (mayusa 17 warsa) utawi sampun merabian, keni urunan lan papeson sawungkul.
 - c. Balu ngalentik lanang utawi istri ayah-ayah, urunan, lan papeson kaluputang.
3. Yaning dados pegawai negeri/swasta, ngarereh pangupa jiwa ka dura Desa-kadadosang mogpog utawi numbas ayah-ayah manut pararem.

Pawos 11. Swa Dharmaning Warga Desa Adat.

1. Krama Desa Adat :
 - a. Dreda atuang ring Desa, tinut ring daging awig-awig, pararem mwa pamutus-pamutusnya.
 - b. Tan marep ngutsahayang mangda Desane, presidha nyujur patitis ring ajeng.

- c. Tata ring kartin Desa Adat.
2. Wong Desa sane manggeh penumpang/tamu patut :
- Tinut ring tatiwak Desane ngupadi kasukertan Desa.
 - Tan dados tungkas ring sapemargin kartin Desa genahnya Jumenek.
3. Sehanan Wong Desa/tamu wenang polih pasayuban ngamanggehang pasukertan raga, Agama saha druwenya sowang-sowang.
4. Sehanan Warga Desa polih pasayuban manut Dresta lan kavenangan indik :
- Sangaskara kauripannya sane mabuat mastikayang paiketan sulur pakulawar gayan.
 - kasukertan indik kasucian dewek, parhyangan, miwah karang paumahnya sowang-sowang.
 - Kasukertan padruwenya sowang-sowang.
 - Mawosin tur niwakin pamutus sehanan wicara.
5. Sehanan Warga Desa sane tungkas ring sedaging awig-awig patut kadanda manut pararem.

Pawos 12. Indik laluputan :

Sejawaning prajuru Desa sane pastika patut polih laluputan pamekasnya :

- Para Mangku Tri Kahyangan lan Dang Kahyangan.
 - Para sutri lan serati.
 - Wong Ceda angga banget.
 - Wong alit ubuh meme bapa.
 - Wong lingsir miwah sang sungkan tahunan tan tinamban.
- Pemastikan inucap manut pararem.

Pawos 13. Patias utawi olih-olihan Krama :

- Polih pasayuban prajuru ngemanggehang luwir patitis tur kabawosin saha kativakin pamutus sehanan daging wicara.
- Wenang nyarengin mastikayang pamutus ring sajeroning paruman Desa.
- Kengin mapuwangkid rikala : Sungkan, Matepetin Sungkan, Kaluwasan, Meyad - nya miwah sane kasengker pedewasan.
- Panyeledihi ayah-ayah kadadosang yan sampun Daba/Teruna (Mayusa 17 warsa).
- Pangledhi nenek kadadosang wong ing njero paruman.

Pawos 14. Wusan Makrama.

- Padem / Seda.
- Magingisir genah/linggih saking wewidangan Desa Adat Bugbugan ke Desa Adat Sewosan saking rahayu.
- Kanorayang sangkaning piwal ring daging Awig-Awig miwah pararem, indik ngupadi raga ngeschin prawerti.
- Pamidanda nganorayang manut pararem Desa, saha kaatur upeksa ring Guru Wisesa.
- Sang kanorayang tan polih pah-pahan sehananin druwen desa kalih pasayuban lan pasukertan.

6. Sang kanorayang yan sampun presidha ngesehin pr^herti wenang ka^herima milih dados warga Desa Adat kadi jati mula.

Palet 4.

P A R U M A N

Pawos 15. Paruman Luwire :

1. Paruman-paruman ring Desa :
 - a. Paruman Desa Adat.
 - b. Paruman Prajuru Desa Adat.
 - c. Paruman Taruna-Teruni. → *Sekel Paruman*
 - d. Paruman Banjar Adat utawi tempekan.
2. Sehanan paruman sidha lumakaana yan sampun kamiletin antuk krama langkung ring atenge.
3. Sehanan pamutus kautsahayang mangda melarapan gilik saguluk, briyuk siyu, bilih yan tan presidha, suarane sane makehan sinanggeh pamutus.
4. Ring sahanan paruman, tan maren kemanggalanin antuk ilen ngarcana Ida - Bhagawan Penyarikan saha Widhi Widana (sanistan ipun antuk Cane).

Pawos 16. Tatatitenan Paruman. *tata tita*

1. Paruman Desa Adat patut kawentenang nangkeh^h asasih apisan ring dina Anggarakasih.
2. Nangken paruman kadi ring ajeng Bendesa adat patut nyiarang pemarginnya - ngenterang Desa, pamekas ngeninin indik :
 - a. Ngunjuk lungsur makerana miwah ayah-ayah.
 - b. Pemargi, panelas, miwah sulur artha berana druwen Desa.
 - c. Pemargin usaha Desa sane mabuat.
 - d. Sehanan wicara saha pamutusnyane.
 - e. Daging pararem miwah pasuwara-pasuwara sane mabuat.
 - f. Rencana prajuru ngeninin usaha kertin Desa kapungkur.
 - g. Miwah sane siwos-siwosan.
3. Sehanan sasiare ring ajeng katitenin saha katiwakin pamutus antuk paruman Desa Adat.
4. Pamutus paruman inucap ring ajeng sinanggeh sepat siku-siku sane patut ka^h sunkemin saha katinutin antuk wong Desa Adat sami.
5. Sejaba kadi munggah ring ajeng paruman Desa patut kawentenang prade^h kawidi olih kerama sane sanistane sareng pah tiga papupulan kerama Desa Adat.
6. Sang Kawidhi olih kerama patut mastikayang bantang sane sandang dawosan - ring paruman kinucap.
7. Prade prajuru Desa ngarsayang mabuat pisan patut taler ngawidhi ngawentenang paruman Desa Adat.
8. Paruman inucap taler patut katiwakin pamutus kadi munggah ring ajeng.

Pawos

Pawos 17. Paruman Prajuru.

1. Paruman prajuru Desa patut kawentenang sanistan ipun tigang sasih apisan, bilih-bilih yan wenten sane mabuat.
2. Paruman inucap katuntun antuk Bendesa Adat.
3. Paruman prajuru kawentenannya wantah ngarincikang tata pangunadika lak-sana, usaha miwah pengerencana saka luiire.
4. Sehanan rerancangan (pangerencana), tan wenang kelaksanayang sabanen ka-pikukuhin antuk pamutus paruman Desa.
- ⑤ Paruman wantah sinanggeh ngawisesa sane wenang nyelem putihang tata pa-ngenter Desane manut Awig-Awig lan pararem.

Palet 5.

K U L K U L

Pawos 18. Indik Kulkul.

1. Kulkul Desa Adat manggeh piranti/sarana, tatengeran kabuatang anggen - wangsit ring wewidangan Desa Adat.
- ② Kulkul Desa Adat tan wenang katepak yan tan manut kadi daging awig -awig maka miwah pararem.
3. Tabuh tepakan kul-kul desane pastika masiwos-siwosan manut tatujon ipun luwire :
 - a. Tatenger ngembasang rare : 2 kelentungan.
 - b. Tatengeran merabian : 3 kelentungan.
 - c. Tatengeran wong padem ; 3 tulus ngelambat ring rahina nyorean.✓
 - d. Tatengeran tedun ngayah/parum : 2 tulus ngelambat.
 - e. Tatengeran wangde ngayah / parum ; 3 tulus ngelambat.
 - f. Tatengeran Pancabaya : suara bulus tur nguntit.
4. Kulkul Desa tan wenang katepak yan tan wenten sapetuduh prajuru, sejawa-ning wenten kapancabaya.
5. Sang nepak kulkul ri tepengan wenten Pancabaya, sawusannya patut digelis atur upeksa ring prajuru, maka buatan nepeke kadi ring ajeng.
6. Suaran tatengeran pekaryan, patut katedunin antuk ayahan manut daging - dedawuhan utawi sesiar.
7. Suaran kulkul tatengeran baya patut katedunin antuk ayahan lanang saha makta gegawan pamitulung manut rupan baya inucap.
8. Sang nepak kulkul tan saelon ring daging awig-awig lan pararem wenang - kedanda.
9. Suaran kulkul tempekan, sekehe-sekehe sane wenten ring wewidangan Desa Adat Bugbugan, tan wenang katepak sinarengan ring panepakan kulkul Desan ne, sajawaning wenten amuk miwah baya pati.

Palet...

Palet 6.

PADRUWEN DESA (PELABA).

Pawos 19. Indik Druwen Desa lan amongan Desa.

1. Druwen Desa Adat luwire :

a. Kahyangan Desa mekadi :

1. Pura Puseh lan Pura Desa.
2. Pura Dalem lan Pura Mrajapati.
3. Pura Bhagawan Penyarikan ring Bale Banjar.
4. Sejaba punika wenten malih Dang Kahyangan sane kaempon antuk Desa Adat Bugbugan inggih punika Dang Kahyangan " Pucaksari " lan dang Kahyangan " Dalem Senawa ".

b. Tanah laba Pura :

1. Duwe Pura Pucaksari No. 109 Pc. 7 dp. IV luas 0,535 ha.
2. Duwe Pura Puseh No. 110 Pc.13 dp. II luas 0,930 ha.
No. Pc.14 dp.III luas 0,215 ha.
Pc.28 dp. I luas 0,920 ha.
3. Duwe pura Dalem No. 309 Pc.31 dp. I luas 0,105 ha.
Pc.32 dp. I luas 0,200 ha.
4. Duwe Desa No. 11 Pc.6 B2 dp. IV luas 0,550 ha.

c. Setra/tunon.

d. Miwah Fratima - pratima.

2. Duwen Desa inucap kaenterang olih Bendesa Adat manut dedudonan.
3. Pikolih pelaba Pura inucap mangda kadruwen tur pastika kabuatang anggen kasukertan Desa Adat Bugbugan.

Palet 7.

K A R A N G.

Pawos 20. Indik Karang Paumahan.

1. Sehanan karang paumahan patut pastika wenten bates ipun miwah pamedalan karurung.
2. Bendesa Adat patut ngutsahayang mangda sami pekarangan warga Desa kadi ring ajeng.
3. Sehanan kerama patut ngewatesin karangnyane sowang-sowang jantos sidha terepti nyatur Desa.
4. Wates karang sane majepitan patut kategen olih kerama sane mauluan kawates inucap.
5. Telajakan sowang-sowang patut kapiara antuk kerama sane nruwenang karang inucap.
6. Margi ring arepan karang kerama sowang-sowang patut kapiare antuk kerama Desa saha kasarengin antuk kerama sowang-sowang sane nelajakin karang - nyane.
7. Taru miwah oli-olihan (woh-wohan) sane maurip ring wates kadi ring ajeng kadruwe olih kerama sane negen inucap.

Pawos 21. Tata Nyulurang Karang.

1. Tanem tuwuh sake luwire tata ngangge tanah karang tan wenang ngungkulin utawi naonin, miwah ngawinang pocol karang penyendingnyane.

2. Prade wenten kadi inucap sekadi menggah ring ajeng wenang kasepat gantung in saha kawatesin olih kerama sane madruwe tanem tuwuh mayanin penyangking punika saha carane, :
 - a. Kerama sane madruwe tanem tuwuh mayanin penyangking atur upeksa ring prajuru.
 - b. Yaning taru/tanem tuwuh punika rebah sampun atur upeksa ring prajuru, raris mayanin wewangunan siosan, keni pamidanda prebiya manut kerusakanannyane saha panyangaskara (upakara).
3. Saluwiring tanem tuwuh miwah tetangunan sane ngungkulin utawi mayanin penyangkingnyane panyepat gantung wenang adepa agung (kirang langkung 2,50m) saking wates.
4. Taler tan wenang mekarya lolon toya pangutangan kekarang penyangkingnyane.
5. Saluwiring tanem tuwuh miwah tetangunan krama lianan, yadian sajeroning pekarangannyane mayanin tetangunan penyangkingnyane patut kerama inucap (sane mayanin) negen perebiya kerusakan miwah panyangaskara yan sampun atur upeksa ring prajuru.

Pawos 22. Indik Ngeletehin Karang.

1. Tan wenang nanem utawi nunjel sawa miwah awak-awakan sawa ring karang paumahan.
2. Tan wenang makta (ngenahan) barang saka luwire sane ngeletehin ringkarang paumahan, bilih-bilih yan kaletelahannya ngelantur ngeranjing ngalimbak ka karang ana sewosan miwah Desa Pakeraman manut Agama Hindu.

Pawos 23. Indik Padem ring Pekarangan Anak Lian.

1. Yan wenten jadpa padem ring karang paumahan miwah tegal, carik anak lian, genahe punika patut kaprayascitta antuk sang madruwe sawa manut nista, madhya, utama kadudonan¹ olih I Prajuru.
2. Yan wenten sawa wiyadin barang sewosan sane sinanggeh letuh manut Agama Hindu tan wenten kejantenan sang madruwe, patut kasanggra/kapastika indik pangupa ayune antuk Desa, sesampun polih panugrahan ring Guru Wisesa.

Palet 8.

TETANDURAN RING PEABIANAN

Pawos 24. Indik Wates tetanduran.

1. Wates nandur tanem tuwuh saking wates peabianan doh ipun adepa agung (kirang langkung 2,50 m) ngajeroan saking wates.
2. Yaning wenten tetanduran ngantos ngaliwat wates sekadi ring ajeng wenang kasepat gantungin tur katebas.
3. Tatacara ngemargiang palet 25 nomor 1 miwah nomor 2 kasulurang ring para rem.

Palet 9.

DUSTA MIWAH BAYA

Pawos 25. Indik Dusta.

1. Laksana sane sinanggeh dusta luwire :
 - a. Jiwa baya
 - b. Geni baya.
 - c. Artha baya.
 - d. Pelegandangan.
 - e. Nastika utawi duracara ring Agama.
2. Sehanan warga desa prade wenten uning ring wentene jadm/dusta ring sajero ning Desa pakeramannyane patut digelis atur uning ring prajuru.
3. Bilih mabuat kawentenen ipun, prajuru patut digelis nepak kulkul Desane manut ring rupar pelaksanaan dustane.

Pawos 26. Indik Baya

1. Sane sinanggeh baya utawi penangkan baya upamin ipun :
 - a. Umah puwun.
 - b. Keblabaran toya lan sekancannya.
2. Sehanan warga Desa prade uning ring kawentenan baya utawi bayane, patut premangke atur upeksa ring prajuru.
- ③ Bilih-bilih mabuat kawentenan ipun, prajuru patut digelis nepak kulkul Desane. Tata titi nepak kulkul manut pararem.

Pawos 27. Tatatitenan Maseserep.

1. Wong Desa sane kaicalan/kemalingan prade pacang maseserep patut nunas kebebasan miwah panuntun ring Bendesa Adat (pemerintah).
2. Prade genah maseserep ngelangkungin Banjar siosan, patut nunas kebebasan utawi uwak-uwakan saking Bendesa Adat/pemerintah.
3. Bendesa Adat inucap ngicen panuntun mangda tata caranne maseserep manut ring drestanne.
4. Sehanan warga Desa prade nuduk barang sakaluwire patut atur upeksa ring Bendesa Adat.
5. Bendesa Adat nyiarang barang dudukan punika mangda sang madruwe presidha ngelingin padruwennya tur sang ngelingin/mariangken presidha nyihnayang bukti barang punika mula wantah padruwenyane.
6. Prade tigang sasih tan wenten jadm ngelingin/mariangken barang punika we nang kadruweyang antuk sang nuduk sesampun polih lalugrahan saking sang ngawiwenang.

Palet 10.

PENYANGGRAN DESA ADAT

Pawos 28. Tatatitenan Nyanggra.

1. Desane wenang ngemanggehang tata caraning nyanggra pekaryan keramanne.
2. Pekaryan druwen sinalih kramane buat penyanggranya kasukserah ring krama Desanne.

3. Desane patut medarsana antuk rasa paramatulung ring sang mekarya nanging tan maren miteketang kasucian krama ring Desane.
4. Bilih Karyane mabuat bobot, Banjare wenang ngarereh pitulung ke Desa sewo san.
5. Pekaryan sane patut kasukserah ring penyanggran luwire :
 - a. Upacara sawa.
 - b. Ngingsirang/mekarya tetangunan.

Palet 11.

INDIK WICARA

Pawos 29. Sulur Wicara

1. Sane wenang mawosin minekadi mutusang wicara ring Desa Adat luwire : Bendesa Adat/Kelihan Adat perade matunggilan Desa/Banjar.
2. Pamutus Bendesa Adat/Kelihan marep ring wicara inucap ring ajeng sinanggra wesaning bawos ring Desa Adat/Banjar Adat.

Pawos 30. Indik Mamutus Wicara.

1. Sehanan wicara sane mawiwit kaserahang sakaluwire miwah sinanggeh nungka sin daging awig-awig, Paswara-Paswara miwah pararem Desa patut raris kabawosin, tan nyantosang pasadok.
2. Sejaba wicara sekadi ring ajeng, patut nyantosin pesadok sang nunas bawos.
3. Sehanan wicara patut katepasin jantos pastika janten iwang patutnya, melarapan antuk Tri premana (Bukti, Saksi miwah ilikita).
4. Pamutus tan maren nepek ring catur dresta (sastra-sastra, Purwa-Purwa, Lo ka miwah Desa drestane) saha medasar antuk Dharmatula.
5. Sehanan pamutus tan maren ngupadi :
 - a. Mangda Warga Desa sayan pastika uning ring wewatesan iwang patut.
 - b. Mangda sang kawon uning kaiwangan deweknyane.
 - c. Sang molih tan maren katunas mangda sampun bas nginggilang kepatutan-nyane, lila legawa, nyampurna sang sisip.
6. Perade wenten wong Desa memandel ring pamutus Bendesa Adat bilih-bilih - yan punika sinanggeh ngawinan duskerta Desa, Bendesa Adat patut nunasang pematut ring sang rumawos.
7. Wong Desa sane kababatan ring pamutus Bendesa Adat wenang nunas bebandingan ring pemerintah.

Palet 12.

WEWALUNGAN

Pawos 31. Nyulurang wewalungan.

1. Tan wenang ngalumar wewalungan (pamekas saking wewalungan bawi ngelan - tur luwire : Banteng, Kambing, Kebo, Kuda) ring pekarangan bilih - bilih jantos ngerusak penyandingnya miwah ring margi.

2. Sehanan warga Desa miara wewalungan sakaluwire, patut sayaga nitenin ngul/ngelogorin mangda ubuhannya tan wenten ngerusak kadi ring ajeng, bilih-bilih mangda sampunang jantos ngeranjing ngeletehin kahyangan.
3. Prade wenten wewalungan ngeleb, saha ngeranjing ring pekarangan sewosan, sang medrebe pekarangan sane keranjingin punika, bilih-bilih jantos ngerusakin mangda tunasang bebawosan ring prajurune, raris prajurune niva-kang pamidanda ring sane madruwe wewalungan sane ngerusak, agung alit ipun, anut sudasana ring pararem.
4. Bilih-bilih ring asasih jantos ping tiga sampun kapelungguhang wewalungan ne punika wenang kataban, sang naban punika patut atur uninga ring prajurune sapunika taler wewalungan punika sane kataban wenang kapiara antuk sang naban sadurung katebus antuk sang nruweyang.
5. Sang nruweyang patut nebus tur agung alit penebuse katiwakang antuk prajuru kadulurin antuk danda manyut karusakan sane kawetuang mivah prabiaya nya selami ring genah sane naban.
6. Bilih-bilih ring asasih jantos ping tiga mataban, ping ajeng wewalungan ne wenang keambil katebusin, pemargine punika melarapan antuk bebasan prajuru.

Pawos 32. Indik Wewalungan ngeleb, Palungguhan.

- ①. Prade wenten wewalungan sane ngeleb tur ngeranjing ke kahyangan, sane madruwe wewalungan punika kasisipan antuk danda prabiyanin upakara pamari-sudha sepatutnya agung alit upakara manut pamastika smerti Agama Hindu, saha kapikukuhin antuk pararem.
2. Yen wenten wewalungan sane keni kapalungguhan, bilih-bilih jantos kataban nanging tan wenten sane ngangkenin masuwe tigang rahina, patut wewalungan punika kaaturang ring prajuru Desa.
3. Yaning wewalungan punika padem tan sangkaning kekardinin sajeroning watah mataban, sang naban tan wenang ngarsayang prabeya miaranin ring sapa sira ugi, taler sang madruwe wewalungan punika tan wenang ngarsain pangentos pengargan wewalungan punika sane padem ring sapa sira ugi.
4. Tatacara malungguhang naban/nebas wewalungan mangda mejalaran sahuning-sapituduh prajuru.

SARGA III

SUKERTA TATA AGAMA

Palet 13.

Pawos 33. Pemangku, Sрати lan Sutri.

1. Ring Desa Adat kawentenang pemangku, sрати lan sutri.
2. Pemangku sрати lan sutri inucap keadegang melarapan antuk :
 - a. Ngelingin saking katurunan.
 - b. Kapilih saking krama Desa Adat.
 - c. Saking nyanjan.

- ③ Prebiyan upakaraning ngawentenang (adikaa Widhi) marep ring pemangku, penyade, srati, lan sutri Desa Adat pamakas pemangku ring kahyangan tiga kamedalin antuk krama Desa manut pararem.
- ④ Prebiyan upakaraning Pitra Yadnya marep ring mangku penyade, srati lan sutri inucap ring ajeng ring sedane kapungkur wekas, sajawaning kamedalin antuk kulawarganya taler wenten sedana Desa Adat manut pararem
5. Pemangku kengin kasanggra olih penyade, manut kabuatan.

Pawos 34. Swadharman Pemangku, Penyade, Srati lan Sutri.

1. Swadharman Pemangku/Penyade ring Desa Adat luwire :
 - a. Nuntun ngenterang krama Desa Adat ngemanggehang kasucian kahyangan.
 - b. Munggah tedun ring palinggih kahyangan ring panyiwian Desa Adat miwah ngiyasin prelingga-prelingga manut pamastian prajuru ;
 - c. Nuntun saha nabdabang lan ngilenan Yadnya krama Desa ring panyiwian-Desa Adat mawinan kengin munggah tedun ring kahyangan Desa.
 - d. Rajeg nganutin sesanan pemangku. *f*
2. Swadharman Srati (tukang banten ring Desa Adat) luwire :
 - a. Ngenterang krama Desa sajeroning midabdabin upakara Yadnya manut pamastian prajuru.
 - b. Nyanggra pemangku-pemangku sajeroning ngilenang upakara Yadnya Desa Adat.
 - c. Miwah sane sewosan sane ngerangkul ngilenang upakara Yadnya Desa Adat.
3. Swadharma Sutri : Tan maren ngemanggehang kasucian.
- ④ Olih-olihan Pemangku, Srati lan sutri kasulurang manut pararem.
5. Pemangku, Penyade, Srati lan Sutri tan kengin keadegang, luwire :
 - a. Sang ceda angga (buta, bongol, rumpuh, kepek miwah sekancannya).
 - b. Gring ila (edan, ayan lan sekancannya).
 - c. Nastika (tan ngugin sanghyang Agama).
6. Marareyan madeg Pemangku, Penyade, Srati lan Sutri Desa Adat, prade nilar sesananing pemangku tur kasulurang ring pararem Desa Adat.

Palet 14.

GENAH SUCI

Pawos 35. Kahyangan

1. Kahyangan panyiwian Desa Adat Luwire :
 - a. Kahyangan Puseh lan Pura Desa.
 - b. Kahyangan Dalem lan Mrajapati.
 - c. Dang Kahyangan Pucaksari lan Dalem Senawa.
2. Prajuru Desa Adat kayogya nuntun saha ngenterang krama Desa ngemanggehang kasucian kahyangan panyiwianane.

3. Bacakan cendala miwah letih sane tan dados ngeranjing ring kahyangan pa nyiwian Desa Adat luwire :
 - a. Jadma sebel/ngeraja sewala, maduwe oka durung tutug bulan pitung dina, karuron lan sane durung tutug roras rahina.
 - (b) Jadma kacuntakan saking kepadaman, sadurung tutug pengelemijian taler kanutan ring pararem.
 - c. Sehanan Jadma/wong bobot tan kasinangkara wong mamitra, wong edan miwah cendala siwosan, sadurung kaprayascita manut Agama Hindu.
 - d. Jadma sane kapastikayang panten antuk Prajuru.
 - e. Sato Agung ngawit saking Bawi lantur ring satone sane agengan (suku pat) sajawaning kala kabuatang Yadnya.
 - f. Sehanan barang punapi luwire sane sinanggeh letuh manut Agama Hindu (tulang, getih, bok, saluwiring wiwitan watang, layudan-layudan Pitra Yadnya lan sekancannya).
 - g. Miwah sane sios-siosan.
4. Ring kahyangan tan kayogya ngelaksanayang sehanan laksana sane ngelethin upami :
 - a. memisuh kalih wak parusya siwosan.
 - b. Mejaljal bilih-bilih yan jantos gumanti metu rah.
 - c. Mebacin, mesanggama miwah prawertine siwosan.
 - d. Munggah tedun ring palinggih-palinggih yan durung kaparisudha saha - kalugra antuk prajuru.
5. Prebiyan ngaci manggeh kabuatan Desa kamedalin antuk krama Desa Adat.
6. Panumayan Widhi Widhana Desa Adat kasulurang manut pawukon lan sasih.
7. Krama sane uning utawi memanggih, mungguwing wenten Jadma ngaletuhin kahyangan kadi munggah ring ajeng patut atur nguningayang ring prajuru.
8. Prade tan wenten nyadokang, punika sinanggeh saruron ring corah.
- (9) Prade tan wenten katinutin, utawi mamurug larangan-larangan inucap ring ajeng, wenang kasisipan tur kapidanda manut pararem.
10. Prajuru patut mastikayang, indik sane wenang nyanggra tapakan utawi ilen-ilen sane patut kapingitang kasuciannya upami : Arca, pengawin lan selanturnya.
11. Prajuru patut mastikayang Pemangku-Pemangku sane yogya munggah tedun ring palinggih kahyangan penyiwian Desa Adat miwah ngiyasin prelinggannya.
- (12) Prajuru tan maren nureksain nitenin, mangda Pemangku-Pemangku, Penyade, Sрати lan Sutri rajeg nganutin sesasannya saha kapastikayang olih-oliha nya manut pararem.
13. Prajuru patut mastikayang indik odalan miwah aci-aci ring kahyangan Pa nyiwian, Pemaksan, Pakulawargan, Upami Pamerajan sajabag wawidangan Desa Adat Bugbugan, sajeroning ngastitf kasuciannya, patut saelon ring pa nyiwian Desa, sajawaning karihinan wantah madruwe dresta sewossan.

Palet 15.

INDIK KASUCIAN/SUKERTA DESA ADAT

Pawos 36. Indik Nitenin Krama

1. Prajuru tan maren nitenin krama, mangda kasucian Desa manggeh rajeg.
2. Sane patut katitenin, sahanan pemargi sane duskerta, miwah ngaletihin Desa Upami :
 - a. Salah timpal (jadma masanggama ring wewalungan).
 - b. Gamia Gamana sane katalanjur ring lelitihan garis kenceng nungganghang - miwah nedunang sahaluwire.
 - c. Panguman-uman ring sabha miwah ring kahyangan.
 - d. Miwah sehanan sinanggeh ngaletuhin manut lingging Agama Hindu.
- ③ Sang kacihnan bilih-bilih kapastika melaksana kadi ring ajeng patut kasi-sipang saha katiwakin pamidanda pamarisudha Desa antuk panyangaskara manut Agama Hindu tur kapikukuhang manut pararem.

Pawos 37. Widhi - Widhana

Prajuru nuntun mangda sahanan upakara widhi widhana Desa kemanggehang agung alit manut dadudonan, manut palutuk babantenan, pengaci-pengaci sane patut kemargiang luwire :

- a. Pengaci ring kahyangan panyiwian Desa Adat.
- b. Pengaci rerahinan Galungan lan Kuningan.
- c. Pengaci rerahinan Çiwaratri.
- d. Pengaci rerahinan Saraswati.
- e. Pengaci rehinan Pagerwesi.
- f. Pengaci rerahinan Nyepi (tawur sasih kesanga).
- g. Miwah Pengaci ring rehinan Gumi sewosan.

Pawos 38. Indik Upakara/Bebantenan.

1. Upakara miwah berataning Galungan, Kuningan, Çiwaratri, Saraswati, Pagerwesi, Tawur Kesanga, maka miwah Piodalan ring Pura-Pura Panyiwian Desa - Adat tan mari kajejerang kasulurang ring Raja Purana.
2. Prajuru nuntun saha midabdabin, mangda Desa Adat sidha trepti, asuci lak-sana saha ninutin kabuatan upakara.
3. Wong Desa Adat patut tinut mangda sehananing letch setrane tan wenten nge lahlah/kebakta kedesa pakraman bilih-bilih ke kahyangan.

Palet 16.

INDIK TUNON/SETRA MIWAH ATIWA-ATIWA

Pawos 39. Indik Mendem Sawa.

1. Genah mendem sawa pawongan sang me agama Hindu ring Desa Adat Bugbugan ke wastanin setra/tunon.

2.

2. Sang pacang ngangge setra/tunon patut nunasang kebebasan ring Endesa - Adat, saha tata ngangge manut kadi ring dresta miwah pituduh prajuru inu cap.
3. Wong Desa patut tinut mangda sehananing letih setrane tan wenten ngelah-lah/kebakta ke Desa Pakraman, bilih-bilih ke kahyangan.

Pawon 40. Indik Nyulurang Mendem Sawa.

Pidabdab mendem sawa kasulurang kadi ring sor puniki :

1. Kapastika tan dados nginepang bangbang pacang nanem sawa.
2. Sajeroning a banjaran yan wenten pacang mendem sawa lintang ring a diri a rahina ring setrane nunggal patut sane nampekan ring setra punika rihinan kemargiang.
3. Sajeroning rahina ring a banjaran prade wenten mendem sawa miwah ngaben-patut mendem sawane kemargiang rihinan selantur ipun wawu raris ngilenan pengabenan.
4. Jadma padem nandang sakit ila, ngulah pati, salah pati, dados ngeranjing ring pakubonannya tur patut pendem ring setra.
5. Mendem sawa keanutang ring genah sowang-sowang (setra alit miwah setra - bajang).
6. Saluwir gagumuk ring setra sane sinanggeh ngelikadin patut kagubar olih kulawarga sang adruwe.
7. Yaning kulawarga inucap tungkas, gagumuk punika kagubar olih krama kaen-terang olih prajuru.
8. Tan kadadosan mendem sawa tigang diri arahina ring setra sanunggal.
9. Mendem sawa tan kadadosang ring rahina : Purnama, Tilem, Kala Gotongan, Semut sadulur miwah rerahinan Jagat.
10. Sapa sira ugi mendem sawa patut ring setra, tan dados ring karang paumahan, tegal, carik lan sane sewosan.
11. Sapa sira ugi dados mendem sawa ring setra manut pararem.
12. Prade wenten sawa sane pacang kapendem ring setra boya wantah warga Desa utawi Krama adat Bugbugan sane kanorayang patut nawur penanjung batu/panukun setra agung alit ipun manut pararem saha widhi-wichana manut Agama Hindu.
13. Sawa wong rare durung tumbuh untu, tigang sasih (105 rahina) patut kapendem premangke tan ngetangan larangan, tur kayogya pendem ring setra be-banjangan.

Pawon 41. Indik Ngentasang Sawa.



Ngentasang sawa kepatutang ring pekarangan miwah pamedalan sane mula - yogya pemargin sang maderebe sawa yadyastun wenten pamedalan sewosan.

2. Ngentasang sawa ring carik/tegal anak lian kapatutang manut pituduh praju ru Desa/Subak, sesampun karihinan antuk pangupahayu manut Agama, agung - alit manut pararem.
3. Indik ngentasang sawa kasulurang luwire :
- a. Tanah sane kemarginin patut kaprayascita antuk sang madruwe sawa tur - kemargiang ring tanah sane kaentap pinih rihin, selantur ipun tapah sane kaentap ukuran patut kasiratin kemawon.
 - b. Ngentasang sawa ring tukad, pangkung, telabah sang madruwe sawa tan - sandang ngawentenang pamrayascita ring genah sane kaentap punika.
 - c. Pemargin palebon ngelangkar watang, kengin, kemargiang-sakewanten patut kariyinin antuk upakara manut Agama Hindu.

Pawos 42. Dewasa Atiwa-Atiwa.

- 1. Krama sane pacang atiwa-atiwa patut nunas kabebasan ring Bendesa Adat.
- 2. Prajuru inucap patut nitenin tur nuntun mangda jadma punika tinas tan - nyantulin kasukertan Desa pamekas tan nyepungin kasucian Desa utawi kahya ngan.
- 3. Pidadab nitenin tur nuntun kadi inucap, kaenterang luwire :
 - a. prade wenten jadma padem sajeroning masengker pitung rahina dados ke - aben katiwa-tiwayang sajawaning kabuatan Desa Luwire :
 - 1. Nemonin pemelaspasan/odalan, panyungsung Desa Adat pamekas Pura Pu - seh, Desa. Dalem tan dados malebu.
 - 2. Nemonin rahina Purnama/Tilem tan dados malebu.
 - 3. Nemonin rahinan Gumi tan dados malebu.
 - b. Ngabenang Sang padem tan sareh, sakit ila miwah sakancannya patut ilen - nya maweweh upakara panebusan.

Pawos 43. Indik Upakara lan Nyanggra atiwa-tiwa.

- 1. Bacakan yusan manusa sane kengin lawan tan kengin tiwakin upakara aben - luwire :
 - a. Sawa wong rare durung mayusa tigang sasih, tan kengin ke aben.
 - b. Sawa rare sane langkung tigang sasih dados keaben.
- 2. Pakryan atiwa-tiwa kengin kaserah ke Desa, Banjar miwah tempekan.
- 3. Desane/Banjar Adat sumakuta nyanggra (utawi ngewehin) babebasan manut - awig-awig miwah pararem Desa.

42. *Pangabean kabadasang 10 warsa pisan nisajiraning a Satis*
sahwung Pin Yapis.
SARGA IV
SUKERTA TATA PAWONGAN
Palet 17
INDIK KAWIKON/GURU LOKA

Pawos 44. Indik Mapodgala.

- 1. Sang pacang Mapodgala/Madwijati, sajawaning panugrahan ring sang rumawos- (Parisadha Hindu Dharma Indonesia, utawi pemerintah) taler patut masadok- ring kelihan Banjar.

2. Prajuru Banjar inucap patut sareng nureksain, mangda sulur kalih pemargi yakti-yakti manut ring kecaping Agama Hindu, patut katureksain pinih ajeng, kacedeanggoan miwah kamulusan wasanan mauripne.
3. Prade wenten kanton kamer, prajuru inucap patut atur uninga ring sang ru mawos.
4. Prajuru inucap patut sareng nyaksinin pemargin upakarane.
5. Sepatutne prajuru Desane patut digelis nyiaran ring paruman Desane.

Pawos 45. Indik Nitenin Sang Sampun Mapodgala.

1. Prajuru patut nuntun ngemanggalaning krama Banjare upeksa nitenin sapa - margin parawikune ring wewidangan Desa pamekas mikukuhin kesucian ling - gih Ida.
2. Prajuru/pamekas Bendesa Adat patut digelis atur uning ring Nabennya pra de wenten kacihnna wiku sasar ring laksana tur atur piuning punika patut kadulurin cihna, anut Tri Premana (bukti, saksi, ilikita).
3. Daging pamutus bawos sane katiwakan antuk nabennya patut digelis kasiaran ring paruman Banjare.
4. Prade pamutus tatiwake ring ajeng kapineh durung sidha tinas apadang, pra jurune atur upeksa ring sang rumawos (Parisadha Hindu Dharma Indonesia - utawi Pemerintah).
5. Pamutus tatiwak Nabe sane sampun kasanggra antuk sang rumawos inucap, si nanggeh pamutus pastika, tan kawicara muwah.

Pawos 46. Indik Nitenin Pemargin Yadnya.

1. Sang pacang mawinten maka buatan pacang memargi ngemangkunin, Nyonteng , Kabayan, Dalang saha luwirnya pacang ngenterang/ngantebang Yadnya, patut masadok ring prajuru Banjare.
2. Prajuru inucap patut ngawas nitenin, mangda pemargine patut manut ring - kecaping Agama Hindu miwah drestane.
3. Prajuru Banjare wenang ngelingin, prade kacihnna sasar ring kecaping Aga ma miwah dresta.
4. Sang tan terima tatiwakan prajuru inucap, dados nunas pamutus ring sang rumawos.
5. Pamutus bawos sane katiwakan antuk sang rumawos ring ajeng sinanggeh pa - mutus pastika tan kawicaran malih.
6. Prajuru Banjar patut sareng nyaksinin upacara/ngilenan sang mawinten se patute digelis kasiarang ring paruman Banjar, tegap rawuhing wates kawen - nangan penganteb Yadnyane sane dados kemargiang manut panugrahan Sang Gu ru, drestane sowang-sowang.

Pawos 47. Indik Muput Yadnya.

1. Kerama Desa Patut sareng ngawas nitenin katuntun olih Prajuru manggeh se hanan Yadnya sane kawentenan kaicen pamuput olih Sang Sulinggih (Peranda, Rsi, Bhagawan, Empu miwah Pemangku) manut dadudonan kadi kawenangannya - sowang-sowang manut dresta.
2. Prade

2. Prade wenten ngalimpasin, bilih-bilih sane pastika nyumuka, Prajuru wangsang, Yadnya saha padewasannya sinanggeh tan wenten ayah.
3. Sang ngilempasin utawi dustannyane patut katiwakin pamidanda olih Prajuru, agung alit manut sudesane/pararem.
4. Prade sang katiwakin tungkas ring Prajuru, wenang tunas bawos sane patut ngicenin pamutus tan wenang wisarayang malih.

Palet 18.

PAWARANGAN MIWAH PAKULAWARGAN

Pawos 48. Pawarangan.

1. Sinalih tunggil krama pacang ngawarangan kulawargannya patut masadok ring Bendesa Adat, sanistane dasa rahina sebanen ancer-ancer dewasa pewartangannya.
2. Prajuru inucap maritetesin prade pemargine sampun manut ring drestaning pewartangan, patut kaicen pasayuban, prade tan manut, prajuru-prajurune-ngutsahayang ngicenin panuntun melarapan pemargine sidha manut tata cara.
3. Yan pawarangan punika lepas ring kecaping Agama Hindu upami (Gamia Gamana) taler lepas ring pamaastian undang perkawinan RI, miwah peraturan pelaksanaannya sinanggeh ngawinang leteh jagat, Prajuru-Prajuru punika patut ngurungang.
4. Prade panureksannya nyihnayang pewartangan sampun manut ring drestane, upakarannya dados kelanturan.
5. Ring panumayan upakara pawidhi-widhanannya, Prajuru-Prajuru inucap patut nodya maka saksi.
6. Prajuru-Prajuru punika maka saksi-saksi patut nitenin indik sulur pamargi pewartangannya sane mabuat upami : Bebaktaan, Tetadtadan, Jiwa lan sang Pradhana miwah selanturnya.
7. Bendesa Adat gelis nyulurang pewartangan inucap ring ilikitannya saha nyiarang ring paruman Banjar.
8. Pewartangan/miwah pakulawargan punika pamekas ke anutang taler ring Undang-Undang nomor 1 tahun 1974.

Pawos 49. Ngerorod/Ngerangkat.

1. Krama sane nampi Wong ngerorod patut premangkin masadok ring Bendesa Adat.
2. Bendesa Adat patut digelis netes sang ngarorod maka buatan marityaksa yang pemargine manut ring dresta.
3. Bilih sampun nepek pemargine ring dresta, sang ngarorod miwah sang nampi polih pamikukuh pasayuban Desa makadi Prajuru.

4. Prade pemargine tan manut ring dresta Bendesa Adat patut digelis mala - sang sang kanipakira, katitenin kauwehin pasayuban olih Bendesa Adat.
5. Bendesa Adat patut digelis ngutsahayang matuhu wirang sang katetehan punika, prade doh genah linggihnya ring dura desa, tur pikolih utsahane - kaatur ring sang rumawos (pemerintah) manut dudonan Kepala Desa, Camat.
6. Sang mabiseka sesampune kaparitetes wasta, umahnya, patut katundung - ring wewidangan Desa.
- ⑦ Krama sane nampi patut ketetes saha katureksa, manut ring prakertinnya ne. Yang saruron ring corah/nyarengin misekayang wenang kadanda agung - alit manut pamutus Bendesa Adate tepekang ring pararem.

Pawos 50. Netes.

1. Sang maseserep sane pacang netes pangerorodan patut masadok tur nunas - panuntun ring Bendesa Adat, Bendesa Adat patut nureksain saha natasang - sang maseserep punika, jati tan jatine patut mapernah wirang ring Sang ngerorod.
2. Yan jati-jati pernah wirang, kelihan/Bendesa Adat patut digelis nganter saserep punika, kaumah genah sang ngarorod.
3. Sang maseserep patut tinut ring sapituduh Bendesa Adat, nganinin tata - netes ngarorod luwire :
 - a. ngeranjing kaumah inucap tan langkungan ring kalih diri.
 - b. Tan kengin makta sanjata/gegawan sakaluwire.
 - c. Tan kengin matingkah kalih mabawos parusya/nantang.
4. Sanapake Bendesa Adate patut midabdbabin mangda tata cara panetesane - trepti, maka buatan mangda anake istri sane ngerangkat jati-jati polih nerangan saking bebasan pisan luwir pidadabe :
 - a. Anake isteri kagenahang ngeraga, tan dados anak siwosan nampekin tur tinas ring ingane.
 - b. I Kelihan nyulurang mangda sang maseserep polih mataken ring sang - istri punika.
 - c. I Kelihan/Bendesa Adat nyumakutayang pamekas ring anake isteri, yan pada arsa pangerorodne, Sang maseserepan pacang katulak, yan saking papaksan sang lahang pacang katiwakin pamidanda/katundung.
5. Pamutus I Bendesa Adat dumugi pelaksana manut ring pamutus idep anake - isteri inucap yan atur upeksa ring kelihan/Bendesa Adat kandugi :
 - a. marep ring Sang nampi.
 - b. Marep ring sang ngarorod.
- ⑥ Yan piwal utawi tan ninutin pidadab alaki rabi inucap ring ajeng patut kedanda agung alit manut pararem.

Pawos

Pawos 51. Sah alaki Rabi

1. Indik pawiwahan/alaki rabi Desa puniki ngamanggehang daging undang - undang perkawinan Nomor 1 tahun 1974, miwah peraturan pelaksanaannya - nomor 9 tahun 1975.
2. Sinalih tunggil krama kapastika sah perabiannya medasar Agama yan sam pun mawidhi widhana manut Agama Hindu (makala-kalaan) kelanturang antuk Pasakapan. *Pawiwahan*.

Palet 19.

INDIK SULUR TREPTINING PAWONGAN

Pawos 52. Ngembasang Rare.

1. Yan wenten krama madruwe putra, masengker a rahina saking embasanyane patut masadok ring Bendesa Adat.
2. Bendesa Adate ngunggahang sang embas punika ring Ilikitan Desa saha - nyuarayang kulkul.
3. Yan wenten krama ngembasang putra buncing, indike punika tan patut ke bawosang manak salah.
4. Sang kawentenanyane kadi inucap ring ajeng, patut Desanyane arsa para ma tulung.
5. Prade wenten rumusan kaletuhan sajeroning kawentenan kramannya mapu - tra buncing patut Desane ngawentenang pamarisudha Desa manut Agama.

Pawos 53. Kalabubhangan.

1. Yan wenten kalabubhangan (seda) patut masadok ring Bendesa Adat.
2. Bendesa Adate ngunggahang sangsaya inucap ring ilikitan Desane saha nyuarayang kulkul.

Pawos 54. Pamerasan Sentana.

1. Sinalih tunggil yan krama ngidih sentana patut masadok ring Bendesa - Adat, sanistannya a sasih, sabanen dewasa pamerasan.
2. Prajuru adat inucap digelis ngawentenang sasiar ring Desa.
3. Sang rumasa kababatan ring pamerasan punika sanistane masengker awuku, sabanen pamerasan, patut nunas babawos ring Bendesa Adat.
4. Bendesa Adat digelis saha ngicenin pamutus, bawos tepekan ring sas - tra miwah Undang-Undang jagat lan dresta siwosan.
5. Prade sulur pamerasannya tan manut sastra miwah dresta, Bendesa Adat ngandeg sang pacang mekarya, saha ngisenin tuntunan, mangda kapuputang rihinan babawose sulur wicarane.
6. Pengelaksanane kapungkur anut ring pamutus inucap.
7. Yan sulur tata pamerasan sampun manut, Bendesa Adat ngicen pasayuban, melarapan upakara, widhi-widhana sidha kalaksanayang.

8. Ring panunaya upakarane komangiang Bendesa Adat patut podya sinanggen salah.
9. Solenturayane sawosan ngupakarane, Bendesa Adat digelis nyuratang pa weranan inucap, miwah nyiarang ring sangkepna Adat kapungkur.
10. Brajura nyekel upakarane, pamakas rikala nyinggahang ilikhitannya, patuh pastikayang wenten utawi tan wenten brana sahaluwire sane sinang - gen rumbutan paneranan.
11. Trade wenten sang kaberatan tan cumpu ring pamutus saking Bendesa Adat, kaler ring guru Wisesa.

Pawos 55. Ngerobang.

1. Schanda krama sane ngerobang utawi ngajak anak sawosan lempas ring paku lakangannya upami :
 - a. ngajak wong duduk-dudukan.
 - b. ngajak nyama mulih saking makurenan.
 - c. Jajma maaundalang dewek.
 - d. Ngajak nyama mulih saking ngerajeg sentana.
 - e. Sang pastika jenek miwah sane sawosan patut atur piuning ring Bendesa Adat.
2. Pasadok ring ajeng kadulurin katerangan, pastika ngenin linggih artha - berana, tategenan krama, kalih sang kaajak inucap.
3. Krama sane ngerobang/kaajak patut negen nyuwun/suwakuta negenang lampah sang kaajak arege ring kasukertan Desane.
4. Bendesa Adat ngunggahang pasadok punika ring ilikhitannya saha nyiarang ring paruman Desa.

Pawos 56. Tamyu.

1. Krama sane nampi tamyu jantos makolem, langkung ring awuku patut masa - dok ring Bendesa Adat.
2. Trade tamyu pacang madunungan jantos langkung ring awuku, Bendesa Adat patut mureksain pisan mungwing makabuatannya miwah surat keterangan.
3. Bilik yan madunungan jantos easihan utawi tahunan suwenyane patut ka - unggahang ring ilikhitan Desa, tur dunungan inucap patut sareng nelunin masuka-duka manut linggih.
4. Yan tan tinut ring inucap, patut kedanda agung alit manut pararem.

SARGA V

PAMIDANDA.

Pawos 57. Indik Niwakang Pamidanda.

1. Desa Adat wenang niwakang pamidanda ring krama Desa sane sisip.

2. Paniwak imorap kalaksanayang olih Bendesa Adat, nunggal-nunggal manut dadudonan.
3. Bacakan panidanda luwire :
 - a. Ayahan pamukun kasisipang.
 - b. Danda artha.
 - c. Panikel urunan utawi dedandan.
 - d. Upakara panyangskara.
 - e. Kanorayang ajebos sadurung presidha ngesehin prawerti.
 - f. Miwah sane sewosan manut ring pararem.
4. Panidanda sane katibakang patut anut ring ayig-awig pasuara-pasuara , pararem-pararem utawi dresta miwah Agama tur adung ring kasisipan.
5. Agung alit panidanda sane katiwakang patut masor singgih manut kasisipannya.
6. Jinah utawi raja berana panidanda, ngeranjing dados druwen Desa manut dadudonan.

Pawos 58. Rerampagan.

1. Indik rerampagan :

Krama sane bandel urunan miwah dedandan wenang karampag.
2. Tatacara ngerampag kasulurang kadi ring sor :
 - a. Kelaksanayang olih Bendesa Adat, kasarengin olih krama tigang diri pineka seksa-saksa.
 - b. Sang karampag tan dados ngalengin sang ngerampag saha tan maren - nyaksinin sane karampag.
 - c. Sang ngerampag sangkaning Darsana ngambil barang-barang sane karampag, kehnya manut ring hutang-hutang sane durung tinas ketawur - utawi nyawenin tanem tuwuh utawi tetangunan sang karampag.
 - d. Bendesa Adat masengerang mangda barang sane karampag katebus ti-gang rahina.
 - e. Yaning panumbasan barang karampag, langkungan ring gebogan hutang patut kawaliang ring sang madrebe.

Pawos 59. Senger Rerampagan

Rerampagan kasengerin mangda jantos :

- a. Tan ngerampag barang-barang sane patut inggilang manut Agama miwah - dresta.
- b. Tan ngicalang cihna kamanusiaan sang karampag.

Pawos 60. Wenang tan Wenang Karampag

1. Sane kengin karampag luwire :
 - a. Ingon-ingon suku kalih.

b.....

- b. Ingon-Ingon suku pat, sajawaning banteng, kebo, misa kuda.
 - c. Perabot-perabot sajawaning perabot pawon, perabot kacarik, miwah - perabot sane keanggen ngarereh pangupa jiwa.
 - d. Tanem tuwuh.
2. Prade sang karampang merasa tan lila ring kayun kengin nunas pamuput - ring sang rumawos, masengker tigang rahina.

SARGA VI

TATA SUKERTA AWIG-AWIG

Palet 20.

PANESEP AWIG-AWIG

Pawos 61. Pararem miwah Pasuara.

1. Pararem Desa Adat patut kawentenan.
2. Daging sahanan pararem patut saelon ring awig-awig.
3. Sane patut kaunggahang ring pararem :
 - a. Dewasa ngawitin pemargin unteng-unteng daging awig-awig sane mabuat.
 - b. Rincian panyahcah daging awig-awig sane mabuat.
 - c. Agung alit danda-danda, panikel-panikel lan elanturnya.
 - d. Tata sulur ngemargiang awig-awig.
 - e. Sehanan indik sewosan anggen nyangkepin awig-awig.
4. Paruman prajurune wenang ngamedalang pasuaran-pasuaran nyangkepin da-
ging awig-awig Desane.
5. Daging pasuaran tan maren patut :
 - a. Saelon ring daging awig-awig.
 - b. Manut ring catur dresta.
 - c. Pastika nyantenang dewasa pengawit pemarginya.
 - d. Nyantenang agung alit dedandannya prade kapurug.

Palet 21

INDIK PAMUPUT

Pawos 62. Muputang Awig-Awig.

1. Bendesa Adat rikala ngamargiang sadaging awig-awig, miwah usaha Desa patut tan maren :
 - a. Saelon utawi mawirasa ring sahanan prayoga sane taler ngawiwenang-wong Desa inucap.
 - b. Ngawentenang galah pangala Desa, mangda wong Desane polih ngupadi-pangupa jiwa ngincepang pangeweruh miwah usaha niri-niri sewosan.

2. Awig-Awig puniki kalingga tanganin antuk Bendesa Adat maka cilinan pa mutuanya.
3. Sajaba lingga tangan kadi inucap ring ajeng, taler manggeh katur ring :
 - a. Kepala Desa Senganan.
 - b. Camat Penetel.
 - c. Parisadha Hindu Dharma Indonesia Kecamatan Penetel.
4. Manggeh katur ring :
 - a. Parisadha Hindu Dharma Indonesia Kabupaten Tabanan.
 - b. Kepala Kantor Departemen Agama Kabupaten Tabanan.
 - c. Badan Pelaksana Pembina Lembaga Adat Kabupaten Tabanan.
5. Kaatur ring Guru Wiwesa, minakadi antuk Bupati Kepala Daerah Tingkat II Tabanan maka mardhaning panikukuh.
6. Saluwiring kabupaten Awig-Awig Desa Adat Bugbugan sane durung kasurat ring awig-awig puniki pacang kasurat ring pararem.




LUMIR BANG WAGALINGGA TANGANIN

I




II

PENYAKSI - PENYAKSI



KAWIKANIN OLIH :

6. BADAN PELAKSANA PEMBINA LEMBAGA ADAT
KABUPATEN BATI II TABANAN
PELAKSANA HARIAN,




(I MADE SUANDRA),



(I MADE SAMBA),

NIP. 010049874.


8. KETUA KANTOR DEPARTEMEN AGAMA
KABUPATEN TABANAN,



(I BAGUS OKA),
NIP. 190911 815.

9. MURDHANING PAMIKUKUH ;

BUPATI KEPALA DAERAH TINGKAT II
TABANAN ,



(I KETUT SUNDRIA).

NIK. 1507 / D.